

**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADSKO VIJEĆE**

Broj:  
Bihać, 24.06.2019.godine

PREDMET: Prijedlog Rješenja o imenovanju jednog člana Gradske izborne komisije Bihać,  
dostavlja se.-

Na osnovu člana 140. Poslovnika Gradskog vijeća Bihać („Službeni glasnik Grada Bihaća“, broj 3/16), predsjedavajući Gradskog vijeća,

**O D R E Đ U J E**

Izvjestioca: HANDUKIĆ ZULFIKARA, predsjednika Komisije za izbor i imenovanje Gradskog vijeća Bihać, na sjednici Gradskog vijeća i po radnim tijelima, po prijedlogu tačke dnevnog reda:

**PRIJEDLOG RJEŠENJA O IMENOVANJU JEDNOG ČLANA GRADSKE IZBORNE  
KOMISIJE BIHAĆ**

Predsjedavajući Gradskog vijeća  
Davor Župa

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADSKO VIJEĆE  
Komisija za izbor i imenovanje

Bihać, 24.06.2019.godine

Gradsko vijeće Bihać

PREDMET: Prijedlog Rješenja o imenovanju člana Gradske izborne komisije Bihać,  
dostavlja se.-

Na osnovu člana 1. stav (2) Odluke o objavljivanju Javnog oglasa za imenovanje člana Gradske izborne komisije Bihać („Službeni glasnik Grada Bihaća“, broj 04/19), člana 61. stav (2) tačka b), a u vezi sa članom 140. tačka c) Poslovnika Gradskog vijeća Bihać („Službeni glasnik Grada Bihaća“, broj 3/16), Komisija za izbor i imenovanje, Gradskom vijeću Bihać dostavlja prijedlog Rješenja o imenovanju jednog člana Gradske izborne komisije Bihać, na razmatranje i zauzimanje konačnog stava.

### O b r a z l o ž e n j e

Pravni osnov

Pravni osnov za donošenje predloženog Rješenja sadržan je u članu 2.12 stav (5) Izbornog zakona Bosne i Hercegovine („Službeni glasnik BiH“, broj 23/91, 7/02, 9/02, 20/02, 25/02, 4/04, 20/04, 55/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 31/16), kojim je propisano da članove Općinske/gradske izborne komisije imenuje općinsko/gradsko vijeće, uz saglasnost Centralne izborne komisije BiH, na osnovu Javnog oglasa po proceduri koju utvrđuje Centralna izborna komisija BiH.

Pravni osnov za donošenje predloženog Rješenja sadržan je i u članu 35. tačka bb) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća da imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješanja u skladu sa zakonom.

## Razlozi donošenja

Rješenjem Gradskog vijeća Bihać broj GV-05-11/19 od 31.01.2019.godine, a koje je objavljeno u Službenom glasniku Grada Bihaća broj 1/19, član Gradske izborne komisije Damir Redžić, razriješen je dužnosti člana u Gradskoj izbornoj komisiji Bihać, prije isteka mandata.

Na predmetno rješenje Centralna izborna komisija BiH dala je saglasnost, rješenjem broj 06-1-07-1-65/19 od 13.03.2019.godine.

Odlukom Gradskog vijeća Bihać broj GV-02-92 od 23. aprila 2019.godine, a koja je objavljena u Službenom glasniku Grada Bihaća broj 4/19, objavljen je Javni oglas za imenovanje jednog člana Gradske izborne komisije Bihać.

Članom 2. Odluke o objavljivanju Javnog oglasa za imenovanje člana Gradske izborne komisije Bihać utvrđeno je da će postupak po objavljenom Javnog oglasu provoditi Komisija za izbor i imenovanje Gradskog vijeća Bihać u skladu sa odredbama Izbornog zakona Bosne i Hercegovine i Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Slijedom naprijed navedenog, dana 29. aprila 2019.godine, objavljen je Javni oglas za imenovanje jednog člana Gradske izborne komisije Bihać na web stranici Grada Bihaća i u dnevnom listu „Oslobođenje“, sa rokom podnošenja prijava od 8 (osam) dana od dana objavljivanja.

Na objavljeni Javni oglas prijavio se jedan kandidat, koji ispunjava opće i posebne uvjete propisane tačkom II i III Javnog oglasa.

Komisija za izbor i imenovanje je na osnovu utvrđenih Kriterija i pravila ocjenjivanja kandidata u postupku imenovanja članova Gradske izborne komisije Bihać, a u skladu sa odredbama Izbornog zakona BiH i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (Prečišćeni tekst) („Službeni glasnik Bosne i Hercegovine“, broj 29/18) provela postupak po objavljenom Javnog oglasu za imenovanje jednog člana Gradske izborne komisije, te sačinila Rang listu na kojoj se nalazi jedan prijavljeni kandidat.

Cijeneći pokazano znanje kandidata na intervjuu, te ukupan dojam koji je ostavio na članove Komisije, a poštujući princip multietičnosti i ravnopravne zastupljenosti spolova, članovi Komisije za izbor i imenovanje izjasnili su se na način da su tri člana Komisije iznijeli stav da je prijavljeni kandidat pokazao prosječno znanje na obavljenom intervjuu, a jedan član Komisije smatra da prijavljeni kandidat zadovoljava uvjete za imenovanje u Gradsku izbornu komisiju Bihać.

Slijedom naprijed navedenog, Komisija za izbor i imenovanje prosljeđuje predloženi materijal Gradskom vijeću, kako bi o istom, nakon obavljene rasprave zauzeli konačan stav.

Finansijska sredstva

Sredstva za provođenje ovog Rješenja, obezbijedit će se u Budžetu Grada Bihaća.

Prilog:

- Izvještaj o provedenom postupku po Javnom oglasu za imenovanje jednog člana Gradske izborne komisije Bihać
- Prijedlog Rješenja o imenovanju jednog člana Gradske izborne komisije Bihać

Predsjednik Komisije  
Zulfikar Handukić

Na osnovu članan 2.12 stav (5) Izbornog zakona Bosne i Hercegovine („Službeni glasnik BiH“, broj 23/91, 7/02, 9/02, 20/02, 25/02, 4/04, 20/04, 55/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 31/16) i člana 35. tačka bb) Statuta Grada Bihaća („Službeni glasnik Grada Bhaća“, broj 13/15 i 13/18), Gradsko vijeće Bihać na 38. sjednici, održanoj dana 04.07.2019.godine, donijelo je:

**R J E Š E N J E**  
o imenovanju člana Gradske izborne Komisije Bihać

Član 1.

Za člana Gradske izborne komisije Bihać, imenuju se:

1. Željka Vujić, članica.

Član 2.

Mandat članice Komisije iz člana 1. ovog Rješenja traje do isteka mandata imenovanih članova Gradske izborne komisije.

Član 3.

Ovo Rješenje stupa na snagu danom davanja saglasnosti Centralne izborne Komsiije Bosne i Hercegovine, a objavit će se u „Službenom glasniku Grada Bihaća“.

Gradsko vijeće  
Broj:  
Bihać, 04.07.2019.godine

Predsjedavajući Gradskog vijeća  
Davor Župa

BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
GRAD BIHAĆ  
GRADSKO VIJEĆE

Komisija za izbor i imenovanje  
Bihać, 24.06.2019.godine

Gradsko vijeće Bihać

**PREDMET:** Izvještaj o provedenom postupku po Javnom oglasu za imenovanje jednog člana Gradske izborne komisije Bihać, dostavlja se.-

Na osnovu člana 7. tačka c) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (Prečišćeni tekst) („Službeni glasnik Bosne i Hercegovine“, broj 29/18), Komisija za izbor i imenovanje u postupku po Javnom oglasu za imenovanje jednog člana Gradske izborne komisije Bihać, Gradskom vijeću Bihać, podnosi:

**I z v j e š t a j**

o provedenom postupku po Javnom oglasu za imenovanje jednog člana Gradske izborne komisije Bihać

Rješenjem Gradskog vijeća Bihać broj GV-05-11/19 od 31.01.2019.godine, a koje je objavljeno u Službenom glasniku Grada Bihaća broj 1/19, član Gradske izborne komisije Damir Redžić, razriješen je dužnosti člana u Gradskoj izbornoj komisiji Bihać, prije isteka mandata.

Na predmetno rješenje Centralna izborna komisija BiH dala je saglasnost, rješenjem broj 06-1-07-1-65/19 od 13.03.2019.godine.

Odlukom Gradskog vijeća Bihać broj GV-02-92 od 23. aprila 2019.godine, a koja je objavljena u Službenom glasniku Grada Bihaća broj 4/19, odlučeno je da se objavi Javni oglas za imenovanje jednog člana Gradske izborne komisije Bihać.

Članom 2. Odluke o objavljivanju Javnog oglasa za imenovanje člana Gradske izborne komisije Bihać utvrđeno je da će postupak po objavljenom Javnom oglasu provoditi Komisija

za izbor i imenovanje Gradskog vijeća Bihać u skladu sa odredbama Izbornog zakona Bosne i Hercegovine i Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Slijedom naprijed navedenog, dana 29. aprila 2019.godine, objavljen je Javni oglas za imenovanje jednog člana Gradske izborne komisije Bihać na web stranici Grada Bihaća i u dnevnom listu „Osobođenje“, sa rokom podnošenja prijava od 8 (osam) dana od dana objavljivanja.

Na objavljeni Javni oglas prijavio se jedan kandidat, koji ispunjava opće i posebne uvjete koji su propisani tačkom II i III Javnog oglasa.

Komisija za izbor i imenovanje Gradskog vijeća Bihać je na I sjednici, održanoj dana 17.05.2019.godine, donijela Poslovnik o radu Komisije kojim je utvrdila organizaciju i način svoga rada, način odlučivanja, te u skladu sa članom 5. Odluke o objavljivanju Javnog oglasa, utvrdila je Kriterije i pravila za ocjenjivanje kandidata u postupku imenovanja članova Gradske izborne komisije Bihać, kojima je regulisan postupak ocjenjivanja-bodovanja kandidata na osnovu utvrđenih kriterija, utvrđivanje konačne prosječne ocjene za svakog kandidata, te sačinjavanje konačne rang liste sa redoslijedom kandidata prema uspjehu postignutom na intervjuu.

Po objavljenom Javnom oglasu za imenovanje jednog člana Gradske izborne komisije Bihać, prijavio se jedan kandidat. Prijava je blagovremeno dostavljena tj. u ostavljenom roku.

Nakon otvaranja prispjele prijave, Komisija je utvrdila da se na objavljeni Javni oglas, prijavio jedan kandidat Vujić Željka, te da se može pristupiti obavljanju intervjua, obzirom da kandidat ispunjava uvjete utvrđene u Javnom oglasu.

Razmatrajući podnijetu prijavu kandidata Vujić Željke po Javnom oglasu, a imajući u vidu nacionalnu i spolnu pripadnost kandidata, Komisija je utvrdila da se prijavljeni kandidat izjasnio kao pripadnik hrvatskog naroda.

Intervju sa kandidatom koji se prijavio na Javni oglas za imenovanje člana Gradske izborne komisije Bihać održan je, dana 27.05.2019.godine s početkom u 10,00 sati.

Intervjuu je pristupio prijavljeni kandidat:

#### 1. Željka Vujić

Nakon provedenog intervjua Komisija je, cijeneći svaki od utvrđenih kriterija i pravila ocjenjivanja za izbor kandidata na navedenu poziciju, a primjenjujući bodovnu listu prilikom ocjene kriterija utvrđenu od strane ove Komisije, izvršila bodovanje kandidata prema uspjehu postignutom na intervjuu, te utvrdila:

Rang listu kandidata prema uspjehu postignutom na intervjuu u postupku imenovanja za člana Gradske izborne komisije Bihać

<b>r/b</b>	<b>Ime i prezime kandidata</b>	<b>Broj bodova</b>	<b>Nacionalna pripadnost</b>	<b>Spolna pripadnost</b>
------------	--------------------------------	--------------------	------------------------------	--------------------------

1.	Željka Vujić	16,2	Hrvatica	žensko
----	--------------	------	----------	--------

Cijeneći pokazano znanje kandidata na intervjuu, te ukupan dojam koji je kandidat ostavio na članove Komisije, a poštujući princip multietičnosti i ravnopravne zastupljenosti spolova, članovi Komisije za izbor i imenovanje pojedinačno su iznijeli svoje stavove o kandidatu za člana Gradske izborne komisije, Željki Vujić, kako slijedi:

Adnan Habibija, zamjenik predsjednika Komisije za izbor i imenovanje smatra da Vujić Željka, jedini prijavljeni kandidat, nije pokazala zadovoljavajuće znanje na obavljenom intervjuu odnosno da imenovana nije zadovoljila kriterije u smislu da bude imenovana za člana GIK-a.

Ahmed Fatkić, član Komisije za izbor i imenovanje smatra da na obavljenom intervjuu za člana Gradske izborne komisije Bihać, prijavljeni kandidat Vujić Željka pokazala je prosječno znanje odnosno prosječne organizacijske i komunikacijske sposobnosti, te smatra da pokazanim znanjem ne zadovoljava uvjete da bude imenovana za člana Gradske izborne komisije Bihać.

Damir Pečenković, član Komisije za izbor i imenovanje navodi da prijavljeni kandidat, Vujić Željka, s kojom je obavljen intervju, nije pokazala znanje koje je potrebno kako bi zajedno s ostalim članovima Gradske izborne komisije Bihać doprinijela timskom i stručnom radu Komisije, iz razloga što na postavljena pitanja nije davala odgovore, već su isti izdejstvovani postavljanjem imenovanoj podpitanja. Smatra da je Vujić Željka zadovoljila minimum koji se odnosi na poznavanje Izbornog zakona BiH.

Edin Felić, član Komisije za izbor i imenovanje smatra da je Vujić Željka pokazala prosječno znanje Izbornog zakona BiH pri obavljanju intervjua, odnosno da imenovana zadovoljava uvjete da bude imenovana za člana GIK-a.

Obzirom da je procedura u cijelosti provedena u skladu s Izbornim zakonom BiH odnosno Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice Bosni i Hercegovini, Komisija prosljeđuje predloženi materijal Gradskom vijeću kako bi po istom obavili raspravu i zauzeli konačan stav.

Obrađivač:

Elvira Kulenović, dipl.pravnik

Članovi Komisije:

1.Zulfikar Handukić, \_\_\_\_\_

2.Adnan Habibija, \_\_\_\_\_

3.Ahmed Fatkić, \_\_\_\_\_

4.Edin Felić, \_\_\_\_\_

5.Damir Pečenković, \_\_\_\_\_.



